



Vniuersa Theologia Scholastica, Speculatiua, Practica

Ad methodum S. Thomæ, quatuor Tomis comprehensa

Tanner, Adam

Ingolstadii, 1626

Dubium I. An & quomodo Prædestinatio sit certa, certusq[ue] numerus
prædestinatorum.

[urn:nbn:de:hbz:466:1-72856](#)

autem ad hoc singulariter & in individuo præcæteris electis, etiam efficaci & absoluto decreto.

Quarto voluit oram reliquam rerum vniuersitatem producere, itaque conformare, ut & Angelis & hominibus, iuxta suam vniuersiusque conditionem ac modum, ad suum finem cooperarentur ac ministrarent: simul etiam tum vtrisque sufficiencia salutis media decreuit; tum speciatim electis tam hominibus quam Angelis prædefiniuit emedia, quæ nullum necessarium respectum includunt ad peccatum; cum ordine tamen quodam, ut propiora fini prius decerneret, quam remotiora.

Quinto voluit permittere peccatum, tam in angelis, quam hominibus.

Sexto prædefiniuit ea media electis, quæ necessario supponunt peccatum, tum generalia, tum particularia; ut passionem & mortem Christi, penitentiam Confessorum, mortem ac certamina martyrum, de qua re omni in 3. parte fusius differendum est; neque opus est hæc sigillatim amplius confirmare, cum sere ex dictis sint manifesta.

Concludo hanc dubitationem cum Durando in 1. dist. 41. num. 6. qui eiusmodi ordinem, maximè consentaneum esse naturis rerum, & humano modo procedendi, haec ratione perspicue declarat: Scindit est, inquit, quod inter electionem & ceteros actus intellectus & voluntatis, in Deo non est ordine prioris & posterioris secundarii re, sed tantum secundum rationem. Nisi ubi unus est ordo prioris & posterioris secundum re, ibi est ratio distinctionis: sed inter attributa diuina, de quorum numero sunt electio & prædestinationis, & omnes operationes intellectus ac voluntatis, non est realis distinctio: ergo non est ibi realis ordo, sed solum secundum rationem. Et nunc debemus considerare ex reali ordine, quem habent actus tales in nobis, in quibus differunt secundum rem. Ut enim prius dictum fuit, qualem ordinem reali habent aliqua, ubi sunt distincta realiter, taliter ordinem rationis habent, ubi sunt distincta secundum rationem.

Est ergonotandum, quod in nobis omnem actum voluntatis præcedit aliquis actus intellectus. &c. actus autem vo-

buntatis de fine, præcedit actu intellectus practici, quo consiliatur de his, quæ sunt ad finem. Hunc autem actu intellectus practici sequitur electio, quæ est appetitus præcessus. Contingit autem, quod illud cuius est electio, sit finis querundam aliorum. & ex illo rursus ratiocinatur intellectus practicus de his, quæ sunt ad illius finem, qui est finis sub fine: & tunc electio primi præcedit secundum actuum intellectus practici: sed iste secundus actuus præcedit secundam electionem. Ergo talis ordo est in nobis secundum rem:

In Deo autem est similis ordo secundum rationem. Quantum noster est ad proprium nostrum, Deus primo scit suam beatitudinem, ut possibiliter nobis communicari: hanc notitiam sequitur voluntas communicandi eam aliquibus: ex hac voluntate, quæ est finis, ratiocinatur intellectus practicus, quibus communicabitur, & quibus non; & hic actus vocatur consilium diuinum. Hoc autem consilium sequitur electio (nimurum ad gloriam) &c. Adhuc illud cuius est hæc electio, habet rationem finis respectuorum, per quæ electus ad talem finem deducetur: & ideo ex hoc rursus consiliatur intellectus practicus, quæ sunt conferenda electio, ut consequantur finem, ad quem eliguntur conclusio aut auxilia: & hinc terminatur processus interioris intentionis. &c.

Et rursus nu. 9. ita concludit Durandus: Iste ergo videtur esse processus secundum rationem in Deo; quia primo vult beatitudinem comunicare; secundo consiliatur, quibus communicabitur, & per conclusionem consilii approbat quibus comunicabitur. Tertio illos eligit. Quarto consiliatur, quæ auxilia conferenda sunt electio, ad consecutionem finis, & conclusio huius consilii est prædestinationis. Quinto est ultimo sequitur propositum conferendi alia auxilia. Haec tenus Durandus, vbi tamen quod simul indicat, reprobationem in eodem instanti factam esse, quo electio ad gloriam, questione sequenti refelletur. Sicut & de eo, quod electionem à prædestinatione ex parte termini distinguunt, actum est superius q. 2. dub. 1. & q. 3. dub. 1. & vniuersim quomodo prædestinatione habeat ad dilectionem, electionem, præscientiam, prouidentiam, explicauimus supra q. 2. dub. 3.

18

Q VÆSTI O VI.

De Infallibilitate, immutabilitate, & concordia Prædestinationis diuinæ cum libero arbitrio.

S. Thomas I. p. q. 23. a. 6. & 7.

Non soluitur haec quæstio quatuor dubitationibus. I. An & quomodo prædestinationis sit certa & immutabilis, certusque numerus prædestinatorum. II. Quantus & quam conueniens sit prædestinationis numerus. III. Utrum prædestinationis sit in nostra potestate, aut saltē cum libertate arbitrii nostri consentiens. IV. An & quaratione de nostra prædestinatione certi esse possumus: & quenam sint diuina prædestinationis signa.

D V B I V M I.

An & quomodo Prædestinationis sit certa & immutabilis; certusque numerus Prædestinatorum.

S. Thom. I. p. q. 23. a. 6. & 7.

Quid de hac sentiendum sit, cū S. Thoma loc. cit. sequentibus assertionibus declaramus.

Assertio I. Prædestinationis diuina est certissima, & prorsus infallibilis. Ita S. Thomas quæst. 23. art. 6.

1

&c in 1.

& in 1. dist. 40. q. 3. art. viii. & quodl. 5. q. 1. art. 2. & quodl. 11. a. 3. & quodl. 12. a. 3. & de veritate q. 6. a. 3. & 5. & in epist. Heb. 12. lext. 4. cum Magistro in 1. dist. 40. quo sequuntur alii Theologi omnes. Et patet ex recepta definitione prædestinationis ex Augustino lib. de bono perseuer. cap. 14. *Prædestination est præsencia & preparatio beneficiorum Dei, quæ certissime liberantur, quicunque liberantur.* Ratio est. Quia prædestination est pars prouidentiæ, quia Deus absoluè & efficaciter aliquid fieri decernit: at vero & ipsa etiam prouidentia eatenus certa est & infallibilis, quatenus certo & infallibiliter eueniunt, quæ Deus ut absoluè eueniant per prouidentiam, efficaciter ordinavit, vt dictum q. 1. dub. 4. Ergo & prædestination. &c. Confirmatur. Quia prædestination continet, aut supponit voluntatem Dei consequentem & efficacem, vt dictum q. 2. dub. 1. voluntas autem efficacis Dei semper impletur, vt dictum disp. 2. q. 10. dub. 4.

Affertio II. Diuina prædestination est immutabilis. Ita S. Thomas loc. cit. & consentiunt alii Theologi cum Magistro in 1. dist. 40. Probaturum ex dictis: si enim certa & infallibilis est, ita ut infallibiliter eueniant ea, que Deus prædestinavit; ergo mutari non potest: si enim mutaretur, tunc non euenirent ea, quæ per ipsam antea prædestinata erant; sed eueniret oppositum. Tum quia prædestination vel a scientiam diuinam pertinet, vel ad voluntatem, aut certè utramque complectitur, ex dictis q. 2. dub. 2. quicquid autem horum dicatur, necessario sequitur, prædestinationem esse immutabilem: quandoquidem & scientia, & voluntas Dei, Deusq; ipse penitus immutabilis est, vt dictum disp. 2. q. 5. dub. 1. & q. 8. dub. 10. & q. 10. dub. 4.

Ex quibus sequitur, propositionem hanc, quam etiam Augustinus infra, & alii SS. Patres vtuntur, prædestinationem damnari, aut reprobum salvare, est impossibile, planè veram & adiungendam esse; idq; non solum adhibita distinctione seu limitatione, in sensu composito; sed etiam absolute; quia ex se & ex ipsis terminis sensum compositum habet, vt ex Dialecticis regulis probat Eckius cent. 4. num. 34. De qua re plura dub. 3. affert. 3. Vnde Fulgentius lib. de fide ad Petrum, cap. 35. ait: *Firmis in tene, & nullatenus dubitabis, omnes quos vasa misericordie gratia a bonitate Deus fecit, ante constitutionem mundi, in adoptionem filiorum Dei prædestinatos à Deo; neque perire posse aliquem eorum, quos Deus prædestinavit ad regnum cœlorum; nec querere eorum, quos non prædestinavit ad vitam, illa posse ratione saltari.*

Sequitur secundò, non rectè absoluto dico, Deum posse prædestinare, quem non prædestinavit; aut posse non prædestinare, quem prædestinavit; vt rectè S. Thomas hic q. 23. a. 6. ad 3. & recentiores communiter, licet veteres quidam Scholastici aliter fuerint locuti. Ratio est. Quia tales propositiones faciunt sensum compositum, sicut ista; possibile est, vt sit prædestinatus ille, qui non est prædestinatus; quæ proinde, propositiones absolute falsæ sunt; licet rectè dici possit, Deum posse hunc, V. G. Perrum, prædestinare, vel non prædestinare; et enim hic sensus diuisus iuxta S. Thomam ibidem. Plura dub. 3. affert. 3.

Affertio III. Certus est etiam Deo numerus prædestinationum, non tantum formaliter, sed etiam

materialiter: ita nimirum, vt certum sit Deo, non solum quot sint prædestinati, sed etiam qui sint. Ita S. Thomas hic q. 23. a. 7. & communiter Theologi omnes, contra obsoletam quandam & in fide erroream sententiam eorum, qui vt concordiam inter prædestinationem & liberum arbitrium tuerentur, dixerunt, numerum prædestinatorum esse certum, formaliter, non materialiter. Pro qua sententia Eckius cent. 3. nu. 8. 2. ex Cortesio refert Aureolum; qui sane quidem hac de re periculose loquitur in 1. dist. 40. q. 1. a. 4. inquisit. 4. vbi cum retulisset doctrinam S. Thomæ hic a. 6. & 7. prædestinatorum, numerum esse certum & infallibilem, atque immutabilem, subiungit: [Hic modus dicendi desperationem hominibus inducit. &c. quia manifestum est, inquit, quod prædestinationis aut reprobatio, prout in Deo sunt, nostro conatu impediri non possunt; ergo si tantibus illis incompossibile est, quin salvetur iste, & damnetur ille, frustra qui damnandus est ad oppositum conatur: unde datur homini materia desperandi & negligendi seipsum, & tollitur omnis exhortatio salutaris, & persuasio, & Sacramentorum perceptio: quod totum est vanum. *Etsi infra ait:* Inconclusum tenendum est, quod prædestinatione nullam immutabilitatem inducit circa salutem salvandorum; nec reprobatio circa paenam hominum damnandorum.] Denique in responsive ad obiecta ait, [has propositiones, Deus prædestinavit, vt Petrus saluetur, & reprobando prescivit, quod Iudas damnabitur, non esse concedendas, quin immo impropriasse, & falsas in sua proprietate: quamvis illud, inquit, quod Deo attribuere volumus verum, scilicet quod determinatio illa est æternaliter a-pud Deum, quam habet res ex sua actuali positione, de qua patet quod non potest propter eam inferri aliquid vt futurum, nec vñquam potuit: & qui hanc regulam tener omniem difficultatem evadit.] *Ita Aureolum.*

Alius fuit sensus Catharini lib. 1. de prædest. cap. vlt. (quem etiam aliquamdiu secutus est Sixtus Senensis, vt refert ipsiusmet lib. 6. Biblioth. annot. 248.) vbi distinguens inter prædestinatos & salvandos quo dicit. Primum, non omnes qui salvantur esse prædestinatos. Alterum, numerum quidem prædestinatorum esse certum, non autem salvandorum; sed hunc augeri & minui posse. Quem idcirco quasi re ipsa quoque lapsum grauissime reprehendunt, cum Soto, Bañeshic q. 23. a. 7. aliisque Thomistæ ibidem; quos sequitur Gregorius de Valentia hic q. 23. punct. 3.

Sed vt rectè notarunt Suarez lib. 1. de prædest. cap. 8. num. 31. & Vasquez disp. 101. cap. 1. Catharinus non tam in re, quam in verbis errauit... Is enim prædestinationem vocat id solum decretum diuinum, quod non solum tempore, sed etiam ratione & natura antecedit omnem prævisionem meritorum ac mediorum: & quia putauit, plerosque salvandos non ita ad gloriam electos, vt dictu quæst. præced. dub. 2. consequenter docuit, non omnes salvandos esse prædestinatos. Deinde cum incertum numerum salvandorum esset dixit, non absoluè hoc intellexit, sed limitate & iuxta materiam subiectam; videlicet non esse certum ex ipsa prædestinationem, seu ex diuina voluntate antecedente prævisionem me-

ritorum:

ritorum: cum tamen interim ex ipsa præscientia futurorum certum esse nunquam negat. Eodem modo cum numerum saluandorum augeri possit, locutus est non de numero, prout est in præscientia Dei, præuisa cooperatione cuiusque, sed absolute & ex le, ante hanc præscientiam, ex sola præfinitione gratia operantis & cooperantis, & lecula simul scientia conditionata; quam ipse non admissit.

Atque eandem sententiam, eo modo explicatam, rectè Vasquez loc. cit. existimauit fuisse etiam Massiliensem: de quibus Hilarius epist. ad August. ante librum eiusd. de prædestinatione ait: *Inde est, quod & illud pariter non accipiunt, ut eligendorum rei ceterorumque esse definitum numerum velit. Sed quamvis ad modum explicatum posterior hæc sententia reipis non sit erronea, nihilominus modus ipse loquendi tam Aureoli, quam Catharini, & Massiliensem, uti male sonans, & in rigore verborum erroneus, prolsus vitandus est.*

Probatur assertio ex Scriptura Ioan. 13. v. 18. scio quos elegirim. Quo spectat etiam illud Ioan. 8. v. 28. *Ego uitam æternam do eis; & non peribunt in æternum; & non rapet eos quisquam de manu mea. Pater meus quod dedit mihi maius omnibus est;* & *ne nemo potest rapere de manu Patris mei.* Et S. Paulus Roman. 8. vers. 38. in persona prædestinorum, & ex accepta prædestinationis notitia loquens ait: *Certus sum, quod neque mors, neque vita, neque Angeli. &c. poterunt nos separare à charitate DEI, quæ est in Christo IESU.* Licet hoc etiam iuxta animi beneconfidentis, & in D E O radicati dispositionem accipi possit, vt alii interpretantur. Et rursum 2. Timoth. 2. Firmum fundamentum DEI stat, habens signaculum hoc, Cognovit Dominus, qui sunt eius. Vide Augustinum lib. de corrept. & grat. cap. 7.

Ratio sumitur ex dictis. Si enim prædestination diuina certa est & infallibilis, tunc etiam fatendum est, certum apud Deum esse numerum prædestinorum, tam formaliter, quam materialiter: quia prædestination ipsa & adæquate saltem spæcata non versatur circa res & personas prædestinatas in confuso, & quasi in abstracto; sed in particulari & determinatè circa singulos singillatim; vt constat tum ex dictis de prouidentia ingenere. quæst. 1. dub. 2. & 3. tum supra quæst. 2. dub. 1. Cum ergo Deus prædestinatione sua definierit certum numerum prædestinorum non solum formaliter, sed etiam materialiter, planè fatendum est, certum ei numerum esse prædestinorum, non solum formaliter, sed etiam materialiter. Accedit, quod à parte rei certus olim futurus est numerus saluandorum, tam in particulari & materialiter, quam in communis & formaliter: Deus autem omnia futura infallibiliter nouit, vt constat ex dictis disp. 2. quæst. 8. dub. 5. Ergo certus est Deo prædestinorum numerus etiam materialiter, saltem in præfientia.

Neque contraria sententia argumenta vñius sunt momenti. Aureolus enim fallâ supponit fundamenta, quæ iam superius suo loco refutauimus; nimur quod diuina præfientia non afficiat rem ut futuram; item quod nulla voluntà intrinseca Deo tran-

sit, ait, super salutem Petri magis, quam super eius oppositum: sed voluntas operationis diuina, scilicet iustificatio per gratiam, & beatificatio per gloriam, quam Deus operatur, ut præuisa ab æterno transit super illud propositum, quod habet Deus de salute Petri. Falsum denique est, quod ibidem ait Aureolus, *talem operationem (sic) licet iustificationem per gratiam, & beatificationem per gloriam) ut præuisam, in nullo afficeré salutem Petri ut futuram;* & *per consequens non posse inferri ex ea, quod salus Petri futura sit, aut eveniat.* Si enim Deus præuidit iustificationem aut beatificationem Petri, infallibiliter sequitur, Petrum saluum futurum esse. Neque sanè de hac re oppositum villo modo affirmari potest; nisi quis ineptè circa terminos tricetum. De re ipsa vero & fundamentis, quibus explicata Catharini sententia nititur, actum est supra dub. 3. & 4.

Assertio IV. Numerus electorum seu prædestinorum certus est Deo, non solum ratione cognitionis, seu ex præscientia, sed etiam ratione electionis & definitionis, ac per modum principialis præfinitionis: secus est de numero reproborum; qui non ita principaliiter ordinantur ad bonum uniuersi, sed secundariè. Ita contra Massilienses præced. assert. citatos quasi ad verbum S. Thomas art. 7. ex communi Thomistarum, eorumque omnium auctorum, qui prædestinationem ad gloriam ante præfientiam mediorum statuunt: licet interime ea doctrina valde torqueat eos auctores, qui cum sentiant, Deum non elegisse ad gloriam quenquam ante præfinitionem meritorum, nolent suæ sententiae aduersari habere S. Thomam, ut videre est apud Vasquez cit. disp. 101. cap. 1. qui etiam disp. 89. cap. 10. num. 89. aduersus hanc doctrinam S. Thomas ait, *numerum prædestinorum solum certum esse in præfientia.* Sed & Aureolus in 1. dist. 41. quæst. 1. art. 2. ex instituto contra S. Thomam docet, limitationem electorum non esse absolutè ex diuina voluntate; sed ex præfientia non positionis impedimenti vel obicit; ut & limitacionem numeri reproborum, ex præfientia positionis obicit, & impedimenti respectu gratie finalis.

Sed res & sententia S. Thomæ clara est, suppositis iis, quæ quæst. præcedent. dub. 4. dicta sunt: Cum enim Deus prædestinaverit saluandos ad gloriam, prædefinitio quodam, eodemque absoluto & efficaci decreto, ante omnem præfinitionem absolutam meritorum & mediorum, hinc nimur verisimile diciture, ex huius ipsius vi, & non solum ex vi præfientiae meritorum, seu mediorum, quæ præfientia præfinitionem illam sequitur, certum esse, certoque cognosci à Deo, quot & quinam salutem consequantur: quando Deus in ipsa etiam præfinitione ea futura nouit, quæ ipse absolute & simpli citer apud se præfinit & decernit, quemadmodum generatim de diuina scientia futurorum contingentium docuimus supra disput. 2. quæst. octau. dub. 7.

Idem probatur insuper etiam à S. Thomahic cit. a. 7. hac optima ratione. Quia vnumquodq; agens, cum semper quidem finitum effectū intendat, simul etiam excogitat & præfinit aliquem numerum & mensuram certam & determinatam in partibus essentialibus, seu quæ per se requiruntur ad per-

fectionem

fectionem totius operis; cætera vero per se determinate ac certo numero non præfinit; sed solum inde terminatè & in confuso, quod & in quantum sunt, necessaria propter aliquid per se intentum: ut patet in Architeto, qui in ædificio numerum quidem & quantitatem ipsarum contignationum, seu mansio num, absolute præfinit; numerum vero lapidum non item; sed indefinitè tot adhibendos decernit, quod sunt necessaria ad ipsam formam & quantitat em ædificii, mansionumque consummandam. Ita igitur etiam ratiocinandum est de Deo, respectu totius vniuersi, quod facere ipse decreuit. Præordinauit enim, in qua mensura deberet esse totum vniuersum, & quis numerus esset conueniens essentialibus partibus vniuersi; quæ scilicet habent aliquo modo ordinem ad perpetuitatem; quod scilicet sphæra, quot stellæ, quot elementa, quot species rerum. &c. Et cum inter cætera etiam prædestinationi per se, & quidem potissimum spectant bona num totius vniuersi, adeoque ipsius operis, quod Deus facere decreuit; reprobi vero, resque etiam cæteræ corruptibiles ordinentur à Deo in bonum electorum, vt pote quibus omnia cooperantur in bonum; omnino latendum est, Deo non tantum simplici præscientia, sed etiam vi cuiusdam principis præfinitionis certum esse numerum electorum. Secus sentiendum est de reprobis, quorum numerum etiæ præsicerit Deus, non tamen ita præfiniuit, vt inferius dicetur. Sicut etiæ Deus sciat numerum omnium indiuiduorum, non tamen ideo numerus bonum vel culicum est per se à Deo præfinitus; sed tot huiusmodi diuina prouidentia producere decreuit, quod sufficerent ad specierum conservationem. Hæc optimè S. Thomas, à quo nihil re ipsa alienum videtur dixisse Cortesius, quamvis alter intellectus ab Eckio loc. cit. Huc speciat etiam illud Roman. 9. v. 11. *Et secundum electionem propositum Dei maneret, non ex operibus, sed ex vocante dictum est: ex quo loco colligitur, prædestinationem esse firmam & fixam, ex ipsa electione ac voluntate Dei.*

¹⁴ Idem tradit S. Thomas i. sent. ad Annibald. dist. 40. q. vn. art. 3 ad 2. vbi ait, quod prædestinatione reficit gratia & gloria habet certitudinem præscientie, & causa. Et q. 6. de verit. a. 3. ait: quod præter certitudinem præfinitionis, si seconde prædestinationis habet infallibilem certitudinem.

Idem sensisse Augustinum, patet ex dictis superioribus dub. 3. & 5. id quod præter Prosperum & Hilarium in suis epistolis ad Augustinum, satis intellexerunt etiam ipsi Massilienses; qui propterea contra Augustinum prædestinationem in sola præscientia certam esse docuerunt, vt diximus: & specialis locus est ille Augustini lib. de corrept. & grat. cap. 7. vbi ait: *Horum (prædestinatorum) si quinquam perit, vitio humano vincitur Deus, sed nemo eorum perit, quia nulla e vincitur Deus.* Horum sequitur quinquam perit, fallitur Deus; sed nemo eorum perit; quia non fallitur Deus. Vbi priora verba ad certitudinem præfinitionis & causalitatis pertinent; posteriora ad certitudinem diuinae præscientie. Fundamentum autem oppositum Aureoli, aliorumque satis supra quest. 4. dub. 4. & quest. 5. dub. 4. refutauimus.

¹⁵ Quæres, an hæc assertio intelligenda sit de præscientia absoluta solum, an etiam conditionata. Respondeatur, potissimum ac directè quidem intelligi de præscientia absoluta, ad quam, ut vidimus, Massilienses, aliisque superius rerulerunt certitudinem prædestinationis: nihilominus tamen etiam extendi posse ad scientiam conditionatam. Hæc enim quamvis sit conditio quædam necessariò præsupposita in Deo, ad decretum prædestinationis, non tamen inde sequitur, prædestinationem habere sive certitudinem propriæ, formaliter, & immediatè ab huiusmodi præscientia; sed ex ab initio & efficaci decreto Dei, qui supposita illa scientia conditionata facere potest, quod vult, & immutabiliter facit, quod efficaciter & absolute decernit. Sicut etiæ scientia Dei necessaria sive naturalis presupponatur in Deo ad prædestinationem, non tamen inde sequitur, certitudinem & infallibilitatem prædestinationis propriæ & formaliter ad scientiam illam Dei referendam esse.

¹⁶ Cæterum contra certitudinem prædestinationis obicitur primò, illud Apocal. 3. v. 1. *Tene quod habes, ne alius accipiat coronam tuam.* Vnde & Augustinuslib. de corrept. & grat. cap. 13. ait, alium non esse acceptum, nisi iste percederit. Potest ergo & acquiri & perdi corona, qua est prædestinationis effectus; ac proinde prædestinatione non est certa.

Respondeatur cum S. Thomahic q. 23. a. 6. ad 1. Coronam alicuius dici posse dupliciter: vno modo ex prædestinatione diuina; & sic nullus coronam suam amittit. Alio modo ex merito gratiae, sive secundum præsentem iusticiam: quod enim meremur quodammodo nostrum est: & sic suam coronam aliquis amittere potest per peccatum mortale, sequens. Alius autem illam coronam amissam accipit, in quantum loco eius (non quidem secundum ipsum diuinæ prædestinationis decretum, sed quo ad eius executionem), vt dictum supra quest. præced. dub. 5.) subrogatur. Non enim, inquit S. Thomas, permittit Deus aliquos cadere, quin alios erigat; secundum illud Job 34. *Conteret multos & immorabiles, &flare faciet alios pro eis.* Sic enim in locum Angelorum cadentium substituti sunt homines; & in locum Iudeorum gentiles. Substitutus autem in statu gratiae, etiam quantum ad hoc coronam cadentis accipit, quod de bonis quæ alius fecit, in æterna vita gaudebit, in qua unusquisque gaudet de bonis tam à se, quam ab aliis factis. Quæ otioria non de ipsa prædestinatione, seu prima electione diuina, sed de executione eiusdem, seu quod idem est, decreto ex exitu intelligenda esse, loc. cit. pluribus exposuimus.

¹⁷ Obicitur secundò. Posito possibili, nullum sequitur impossibile: possibile est autem aliquem prædestinatum, V. G. Petrum, peccare, & tunc occidi: hoc autem posito, sequitur prædestinationis effectum frustrari: hoc igitur non est impossibile; ac proinde prædestinatione non est certa. Respondeatur cum S. Thoma hic quest. 23. artic. 6. ad 2. possibile quidem esse, prædestinatum mori in peccato mortali, in sensu diuisio; si nimis de ipso prædestinato secundum se loquamus; sed non in sensu composito; ita scilicet ut coniungatur ea mors cum ipsa prædestinatione facta. Vnde quia

quiā si ponatur prædestinatum mori, aut mortuum esse in peccato mortali, necessario fit sensus compositus, ea hypothesis non est possibilis. Illud autem axioma, posito possibili, nullum sequitur impossibile; intelligendum est, si possibile ponatur eo sensu, quo possibile est; seu quod idem est, possibile poni potest re ipsa esse; nisi eo ipso quod ponitur esse, mutetur suppositio, in qua sola dicitur possibile, ut suō loco etiam de diuina scientia & voluntate diximus.

¹⁸ Obijcitur tertio. Quicquid Deus potuit potest; sed potuit non prædestinare, quem prædestinavit: Ergo nunc potest non prædestinare: ac proinde prædestinatio non est certa.

Respondeatur cum S. Thoma ibidem ad 3. Deum posse quicquid potuit potentia intrinseca, & in sensu diuiso, non composito; ita ut cum præexistente de reto diuinæ voluntatis re ipsa componatur & coniungatur oppositum decretum. Sicut enim Deum velle aliquid creatum est necessarium, non quidem absolute, sed ex suppositione, propter immutabilitatem diuinæ voluntatis, ita etiam impossibile est, ut cum ea suppositione re ipsa coniungatur oppositum decretum. Vnde [non oportet dicere,] inquit [Sanctus Thomas, quod Deus possit non prædestinare, quem prædestinavit, in sensu composito accipiendo, licet absolute considerando, DEVS possit prædestinare, vel non prædestinare; sed ex hoc non tollitur prædestinationis certitudo.] Vide quæ hac de re vniuersim diximus supra disputatione secunda quest. 8. dub. 10. & q. 10. dub. 4. & hic assert. 2.

D V B I V M II.

Quantus; & quam conueniens sit prædestinatorum hominum numerus.

S. Thom. I. p. q. 23. a. 7.

Numerus prædestinatorum hominum dupliciter assignari potest; primo absolute, ut V. G. dicamus esse mille myriades prædestinatorum; secundo respectu seu comparatione, idque vel per comparationem ad Angelos, seu lapsos, seu beatos; vel per comparationem ad homines reprobos, sive extra statum legis Euangelicæ, sive sub statu legis Euangelicæ viuentes. Prior modo non instituitur quæstio: quia nemo mortalium, saltem vi discursus alicuius ex communibus principijs reuelatis, eo progressus est, ut definitum eiusmodi prædestinatorum numerum assignare auderet. Quo sensu etiam verissime dicitur ab Ecclesia illud, *DEVS cui soli cognitus est numerus electorum, in superna felicitate locandus, &c.*

Posteriori autem sensu, varia reperitur hac de re Doctorum & Sanctorum sententia; Et primo quidem comparatione cum Angelis facta, Sanctus Thomas hic quest. 23. artic. 7. tres recitat sententias. Prima est, tot homines salvandos, quot Angeli ceciderunt: quod sentire videntur

illi, qui homines solum post Angelorum peccatum præuisum, & ad eorum ruinam restaurandam prædestinatos existimant. Secunda, tot salvandos, quot Angeli remanerunt; seu quot sunt Angeli beati: quod sentit Anselmus in Elucidario, candemque Sancto Gregorio tribuit Caecilius eod. art. 7. Tertia, tot salvandos, quot Angeli ceciderunt, & insuper tot, quot fuerunt Angeli creati. Cui nonnihil fauet Augustinus in Enchirid. cap. 29. ubi probabile censet, maiorem numerum futurum esse beatorum hominum, quam sit Angelorum. Quæ tamen omnia Sanctus Thomas loco citato, pro incerto habet; quando suam hac de resentiam his verbis adiungit: *sed melius dicitur, quod soli Deo est cognitus numerus electorum, in superna felicitate locandus.*

Instituendo vero comparationem solum cum hominibus reprobis controversia est, utrum saltem inter homines fidèles, ac sub statu Euangelij viuentes, plures sint prædestinati, quam reprobri. Ita enim affirmant nonnulli: è quibus Damascenus in quodam Sermone de defunctis sentit, omnes ferè fideles salvari. Item Silvester in Rosa aurea tract. 2. super Euang. Dominica in Septuagesima, ait, [probabiliter posse defendi, quod major pars Christianorum habentium fidem reclam, & viuentium sub obedientia S. Romana Ecclesiæ salueruntur.] Idem docent Franciscus à Christo in 1. sent. d. 41. quest. vn. concl. 3. Suarez lib. 6. de prædest. cap. 3. num. 6. & alij quidam Theolog. Alij sententiam contrariam defendant, ut dicimus. Vasquez autem hic disp. 101. de hac re ita censet: [Ego potius, inquit, hæc omnia iudicio Dei relinquenda esse censeo, quam quicquam remere definiendum: sicut & illud, Vtrum sit maior numerus hominum prædestinatorum, quam Angelorum, annon: vel eo presertim, quod huiusmodi controversie non multum ad ædificationem fidelium pertineant.] Nostra vero sententia sequentibus assertoribus declaratur.

Affertio I. Est quidem omnino definitus prædestinatorum numerus, qui ex suppositione diuini decreti, augeri aut minui nullo modo potest. Ita cum S. Thoma hic quest. 23. articulo septimo, habet communis & certa Doctorum sententia; & est expressa sententia Sancti Augustini lib. de corrept. & grat. capite decimo tertio, neque est haec de re vlla controversia: & patet ex dictis dub. præced. assertione tertia. Cum enim prædestinatorum numerus sit Deo undeque certus, necesse est, ita esse definitum, ut ex hypothesi facta prædestinationis, augeri aut minui nullo modo possit: cum quo non pugnat, quod minus absolute & in sensu diuiso etiam illi, qui extra eum numerum continentur, salvati possint, ut in simili dictum dub. præced.

Obijcitur illud Deuteronom. 1. versu vñdecimo. *Dominus Deus Patrum vestrorum addat ad hunc numerum multa millia.* Ad hoc bene respondet Sanctus Thomas cit. quest. 23. artic. 7. ad 1. hunc locum intelligendim de illis, qui sunt prænotati seu electi à Deo respectu præsentis iustitiae. Horum enim numerus & augetur, & minutitur; & non numerus prædestinatorum.

Tim. I.

R r

Affer-